

四庫全書

史部

欽定四庫全書

皇朝文獻通考卷二百八十

輿地考

十二

湖北省

臣等謹按禹貢以荆及衡陽表荊州之界實兼今湖北湖南全境而爾雅則稱漢南曰荊州周禮職方則稱荊州其川江漢蓋南條之水以江漢為長江漢既治而其餘附近諸水亦無不治其負漢絡

江為二瀆之所交會者惟今之湖北形勢為然漢水由鄖西入境經鄖陽襄陽安陸至漢陽府與大江會即書導漢自滄浪過三澨至大別入江之道也江水由巴東入境經宜昌荊州漢陽繞武昌府而南入江西界即書導江自澧過九江至東陵之道也是湖北一省禹跡幾周徧焉總其地勢則東引三吳西控巴蜀北枕關雒而南跨乎洞庭江山雄偉為全楚扼要之地荆門夏口之間自古倚為

重險自入

本朝以來承平日久舟車往來久為川陸通塗至於
鄖陽界川陝河南之交明時特設撫治都御史以
鎮之而施州故衛錯鑲黔中厯代又皆為土司所
轄至我

朝以秦蜀寧謐久罷鄖陽撫治之設其施南一府則
以羣苗內面徧置流官即疆土之宜因時損益而
聖世廣德所及即於是徵焉蓋江漢之化行固遠過周

南矣

湖北明湖廣等處承宣布政使司治武昌府統轄
湖南北共領府十五州二其武昌漢陽黃州德安
安陸荊州襄陽鄖陽八府為今湖北地又增湖廣
都指揮使司領武昌等衛成化時又增置行都指
揮使司分領荊州等衛及均州等守禦千戶所嘉
靖時改安陸府為承天府又增置興都留守以領
衛所

本朝初改承天府為安陸府設湖廣總督巡撫及布政使司按察使司皆駐武昌又設偏沅巡撫駐偏橋鎮又設撫治鄖陽都御史分治鄖陽以控四川陝西河南湖南四省之交康熙三年以偏沅巡撫駐長沙又移湖廣右布政使司於長沙分治湖南改湖廣巡撫為湖北巡撫與左布政使司仍治武昌領武昌漢陽黃州德安安陸荊州襄陽鄖陽八府六年定湖北湖南為兩省改左布政為湖北布

政使司又裁鄖陽撫治統歸於湖北巡撫七年令
總督兼轄四川為川湖總督移駐荊州府十九年
仍為湖廣總督還駐武昌雍正六年升荊州府屬
之歸州為直隸州十三年升荊州府屬之夔陵州
為宜昌府又升歸州屬之恩施縣為施南府仍降
歸州為屬州屬於宜昌府凡領府十各衛所以次
裁併入州縣其存者俱專司漕運不治民事東西
距二千四百四十里南北距六百八十里東至安

徽安慶府宿松縣界五百五十里西至四川夔州
府巫山縣界一千八百九十里南至湖南岳州府
臨湘縣界四百里北至河南汝寧府羅山縣界二
百八十里東南至江西九江府瑞昌縣界四百五
十里西南至四川重慶府彭水縣界二千五百十
五里東北至安徽六安州霍山縣界四百六十里
西北至陝西高州山陽縣界一千四百七十里在
京師西南三千一百五十里

武昌府為省治東西距五百三十二里南北距四百七十二里東至江西九江府瑞昌縣界五百二十五里西至漢陽府漢陽縣界七里南至湖南岳陽府臨湘縣界四百里北至黃州府黃岡縣界七十二里東南至江西南昌府武寧縣治四百五十里西南至岳州府平江縣治六百三十里東北至黃岡縣治一百八十五里西北至漢陽府黃陂縣治一百二十里自府治至

京師三千一百五十五里明為武昌府降興國路為

屬州

本朝初為湖廣省治後分為湖北省治領州一縣九

江夏縣

附郭

武昌縣

在府東北一百八十里

嘉魚縣

在府西南一百五十里

蒲圻縣

在府西南三百六十里

咸寧縣

在府東南二百四十里

崇陽縣

在府南三百六十里

通城縣

在府西南五百里

興國州

在府東南三百八十里

大冶縣

在府東南一百五十里

通山縣

在府南一百八十里

漢陽府在省治西北十里東西距三百二十七里

南北距六百四十里東至武昌府江夏縣界七里

西至安陸府潛江縣界三百二十里南至湖南岳

州府臨湘縣界四百十里北至河南汝寧府羅山
縣界二百三十里東南至武昌府治十里西南至
荊州府監利縣治五百六十里東北至黃州府治
一百八十里西北至德安府治三百二十里自府
治至

京師三千一百五十里明洪武九年省漢陽府入武
昌府十三年復置府共領縣二又降沔陽府為屬
州

本朝初屬湖廣省後分屬湖北省雍正七年以黃州府之黃陂縣德安府之孝感縣來屬乾隆二十七年以安陸府之沔陽州來屬又析沔陽州地置文泉縣三十年復省文泉縣入州凡領州一縣四

漢陽縣

附郭

漢川縣

在府西北一百二十里

黃陂縣

在府北一百二十里

孝感縣

在府北一百四十里初屬德安府雍正七年改屬漢陽府

沔陽州

在府西南三百六十里初屬安陸府乾隆二十七年改屬漢陽府又析州地置文泉

縣三十年

仍省入州

黃州府在省治東北一百八十里東西距六百六十五里南北距四百八十里東至安徽安慶府界五百十里西至漢陽府界一百五十五里南至武昌府武昌縣界十里北至河南汝寧府界四百七十里東南至江西九江府界四百二十里西南至武昌府界一百五十里東北至安徽鳳陽府壽州

界五百八十四里西北至河南汝寧府信陽州界
五百六十里自府治至

京師三千二百六十里明為黃州府降蘄州為屬州
共領州一縣八

本朝初屬湖廣省後分屬湖北省雍正七年分黃陂
縣往屬漢陽府今領州一縣七

黃岡縣

附郭

蘄水縣

在府東南
一百十里

羅田縣

在府東一百六十里

麻城縣

在府東北一百八十里

黃安縣

在府北一百四十里

蘄州

在府東一百八十里

廣濟縣

在府東一百五十里

黃梅縣

在府東一百五十里

德安府在省治西北三百二十里東西距三百八

十里南北距三百八十里東至漢陽府孝感縣界

八十里西至襄陽府棗陽縣界三百里南至漢陽
府漢陽縣界二百里北至河南汝寧府信陽州界
一百八十里東南至漢陽府治三百十里西南至
漢陽府沔陽州治三百四十里東北至河南光州
治四百三十里西北至襄陽府治四百九十里自
府治至

京師二千四百八十里明洪武初降德安府為州屬
黃州府十三年復為德安府領州一縣五

本朝初屬湖廣省後分屬湖北省雍正七年分孝感縣往屬漢陽府今領州一縣四

安陸縣

附郭

雲夢縣

在府東南六十里

應城縣

在府南八十里

隨州

在府西北一百三十里

應山縣

在府北九十里

安陸府在省治西北五百三十五里東西距五百

二十里南北距四百十里東至德安府應城縣界
二百七十里西至荊州府江陵縣界二百五十里
南至荊州府監利縣界二百九十里北至襄陽府宜
城縣界一百二十里東南至漢陽府治五百六
十里西南至荊州府治二百八十里東北至德安
府隨州治三百里西北至襄陽府治三百二十里
自府治至

京師三千二百里明洪武八年降安陸府為州嘉靖

十年改為承天府以荊門州及沔陽州屬之共領
州二縣五

本朝改為安陸府初屬湖廣省後分屬湖北省乾隆
二十七年分沔陽州往屬漢陽府今領州一縣五

鍾祥縣

附郭

京山縣

在府東一百五十里

潛江縣

在府南一百二十里

天門縣

在府東南二百二十里舊為景陵縣雍正四年改為天門縣

荊門州

在府西
九十里

當陽縣

在府西二
百十里

荊州府在省治西八百里東西距七百二十五里
南北距二百十里東至漢陽府沔陽州界二百里
西至宜昌府歸州界五百二十五里南至湖南澧
州界一百九十里北至安陸府荊門州界二十里
東南至岳州府華容縣界二百八十九里西南至
宜昌府長陽縣界二百六十里東北至安陸府治

三百二十里西北至襄陽府南漳縣界三百里自
府治至

京師三千二百八十里明為荊州府共領州二縣十
一

本朝初屬湖廣省後分屬湖北省雍正六年升歸州
為直隸州分夷陵州長陽縣屬之十三年改夷陵
州為宜昌府以歸州及長陽興山巴東三縣皆往
屬宜昌府今領縣八

江陵縣

附郭

公安縣

在府南一百二十里

石首縣

在府東南一百八十里

監利縣

在府東一百四十里

松滋縣

在府西南一百二十里

枝江縣

在府西一百八十里

宜都縣

在府西北一百八十里

遠安縣

在府西北一百四十里

襄陽府在省治西北六百八十里東西距六百七
十里南北距二百七十里東至德安府隨州界二
百十里西至鄖陽府鄖縣界四百六十里南至安
陸府荊門州界一百八十里北至河南南陽府新
野縣界九十里東南至安陸府界三百二十里西
南至宜昌府治五百七十里東北至南陽府治二
百二十五里西北至鄖陽府治四百七十里自府
治至

京師二千六百二十里明為襄陽府

本朝初屬湖廣省後分屬湖北省領州一縣六

襄陽縣

附郭

宜城縣

在府東南一百二十里

南漳縣

在府西南一百二十里

棗陽縣

在府東北一百四十里

穀城縣

在府西北一百四十里

光化縣

在府西北一百八十里

均州

在府西北三百九十里

臣等謹按古荊豫二州之界判自南漳縣之荆山自南漳而西百餘里為景山水經注所謂荆山之首也當房縣之南遠安興山縣之北為荊豫梁山二州分界處自南漳而東則為荊門州鍾祥京山二縣及隨州之南又東為應山縣縣北即義陽三關依山為阻與荊州準望相直其南為荊州境其北為豫州境

鄖陽府在省治西北一千二百五十里東西距七
百十里南北距四百里東至河南南陽府淅川縣
界一百五十里西至陝西興安州平利縣界五百
六十里南至襄陽府均州界一百二十里北至陝
西商州商南縣界二百八十里東南至襄陽府穀
城縣界四百九十里西南至平利縣界五百六十
里東北至淅川縣界一百三十里西北至商州山
陽縣界二百八十里自府治至

京師二千五百里明成化十二年于鄖縣置鄖陽府
降房州為縣並設撫治鄖陽都御史共領縣七

本朝順治十六年省上津縣入鄖西縣初屬湖廣省
後分屬湖北省康熙六年裁鄖陽撫治專歸湖北
巡撫管轄凡領縣六

鄖縣

附郭

房縣

在府西南
三百十里

竹山縣

在府西南三
百六十里

竹溪縣

在府西南五百九十里

保康縣

在府東南三百四十里

鄖西縣

在府西一百三十里

宜昌府在省治西一千八十里東西距五百九十里南北距四百十里東至安陸府當陽縣界一百四十里西至四川夔州府巫山縣界四百五十里南至荊州府宜都縣界六十里北至襄陽府南漳縣界三百五十里東南至當陽縣界一百四十里

西南至湖南岳州府石門縣界三百五十里東北
至荊州府遠安縣界九十里西北至鄖陽府房縣
界五百六十五里自府治至

京師三千五百四十里明洪武初為硤州府九年降
為夷陵州與歸州並屬荊州府

本朝初因之雍正六年升歸州為直隸州以夷陵
州及長陽縣屬之十三年升夷陵州為宜昌府以
歸州及長陽興山巴東三縣來屬又置東湖縣為

府治又開置鶴峰州及長樂縣凡領州二縣五

東湖縣

附郭漢置夷陵縣明省入夷陵州
本朝雍正十三年升州為府以州地置東湖縣

為府治

歸州

在府西北三百五里初屬荊州府雍正六年升為直隸州十三年改屬宜昌府

長陽縣

在府西南七十六里初屬荊州府雍正六年分屬歸州十三年改屬宜昌府

興山縣

在府北三百十里初屬荊州府雍正十三年改屬宜昌府

巴東縣

在府西四百二十五里初屬荊州府雍正十三年改屬宜昌府

鶴峯州

在府南四百七十里明置容美宣撫司尋廢永樂四年復置本朝初因之為土司

雍正十三

年改置州

長樂縣

在府南一百九十一里明洪武六年置五峯石寶長官司十四年廢永樂五年復置

屬於容美宣撫司尋又廢本朝初為土司地雍正十三年改置縣

施南府在省治西一千九百八十里東西距五百

八十八里南北距六百五十五里東至宜昌府鶴

峯州界一百七十里西至四川石柱廳界四百十

八里南至四川酉陽州界四百一十五里北至四

川夔州府巫山縣界二百四十里東南至湖南永

順府龍山縣界二百六十五里西南至四川重慶
府黔江縣界三百十五里東北至巫山縣界三百
五十里西北至夔州府萬縣界三百八里自府治
至

京師三千七百八十六里明初為施州兼置施州衛
洪武二十三年併州入衛改建施州衛軍民指揮
使司領施南等各土司屬於湖廣都指揮使司

本朝初因之雍正六年改為恩施縣屬歸州十三年

於恩施縣置施南府增置宣恩來鳳咸豐利川四縣乾隆元年以四川夔州府之建始縣來屬凡領

縣六

恩施縣

附郭明為施州衛地 本朝雍正六年改置恩施縣屬歸州十三年置施南府以縣

為府治

宣恩縣

在府東南八十里明為施南道宣撫司屬施州衛 本朝初為施南土司雍正六年

屬於恩施縣十三年改

置宣恩縣屬施南府

來鳳縣

在府南二百七十里明永樂九年改為長官司十三年復為宣撫司屬施州衛 本

朝初為散毛土司地雍正六年屬於
施恩縣十三年改置來鳳縣屬府

咸豐縣

在府西南二百二十五里明洪武二十三年置散毛千戶所二十四年改為大田軍

民千戶所屬施州衛本朝初置土巡司雍正六年屬於恩施縣十三年改置咸豐縣屬府

利川縣

在府西一百七十八里本施南土司地本朝雍正十三年改置利川縣屬府

建始縣

在府東二百十里初屬四川夔州府乾隆元年改屬施南府

皇朝文獻通考卷二百八十

欽定四庫全書

史部

皇朝文獻通考卷二百八十一至
四

中書_臣張經田覆勘

總校官檢討_臣何思鈞

欽定四庫全書

皇朝文獻通考卷二百八十一

輿地考 十三

湖南省

臣等謹按禹貢荊州先之以江漢朝宗而即繼之
九江孔殷水經謂九江在長沙下雋縣西北楚地
記謂巴陵瀟湘之淵在九江之間至宋儒胡旦及
朱子等皆以為即洞庭湖蓋長江為四瀆之長古

稱天塹實當今之湖北境洞庭為五湖之長古稱
天險實當今之湖南境必九江治而後荆之全境
始底於作又湖南與湖北之並為要地也久矣漢
時荊州刺史治漢壽即在湖南常德府劉宋以後
湘州與荊郢諸州往往分治至唐廣德初於荊南
節度之外分置湖南觀察使以領諸州嗣後宋分
湖南北為兩路元分湖南北為兩道明代雖總隸
於湖廣布政使司而萬厯年間仍別置偏沅巡撫

至

本朝康熙三年遂定湖南與湖北為兩省蓋荆楚之間幅員最廣畫疆而理固撫馭之道然也抑又論之禹貢荊州以衡陽為南界其時衡山左右錯處諸蠻已非內地王制所謂南不盡衡山者也殷周之時荆蠻漸為邊患屢加征伐逮楚悼王南并蠻越遂有洞庭蒼梧之地秦昭王伐楚略定蠻夷置黔中郡此湖南之始通歟漢興稍增置州郡而長

沙五溪諸蠻時起為寇唐宋以後若獠若獠之屬
猶未能使之盡遵約束我

朝德教流行若永順一府及乾州永綏鳳凰營諸廳
並以生苗內附列於郡縣斯固古昔盛王所鄙為
化外之民甚且以為是膺懲者今且俗易風移無
不共歸休養

聖化之覃敷又寧有涯量哉

湖南明湖廣布政使司共領府十五州二其長沙

岳州常德衡州永州寶慶辰州七府靖郴二州為
今湖南省地又置都指揮使司領長沙等衛澧州
等千戶所及各宣慰宣撫等司萬厯二十八年始
置偏沅巡撫治偏橋鎮

本朝初為湖廣省康熙三年分湖廣右布政使司駐
長沙又增置按察使司並移偏沅巡撫駐長沙府
分領長沙岳州等七府及郴靖二州六年改右布
政為湖南布政使司雍正二年改偏沅巡撫為湖

南巡撫七年改永順土司為永順府升澧州為直
隸州八年升沅州為直隸州十年升桂陽州為直
隸州乾隆元年升沅州為府凡領府九直隸州四
各衛所以次裁併入州縣其存者專司漕運不治
民事東西距一千四百二十里南北距一千一百
五十里東至江西南昌府寧州界二百八十五里
西至貴州銅仁府銅仁縣界一千一百三十五里
南至廣東連州界七百六十五里北至湖北荊州

府監利縣界三百八十五里東南至廣東韶州府
仁化縣界七百九十里西南至廣西平樂府恭城
縣界九百五十五里東北至湖北武昌府通城縣
界六百四十里西北至四川酉陽州界九百里在
京師西南四千五百五十里

長沙府為省治東西距一千里南北距五百九十
里東至江西袁州府宜春縣界三百五十里西至
常德府沅江縣界六百五十里南至衡州府衡山

縣界二百三十里北至岳州府巴陵縣界三百六十里東南至江西吉安府永新縣界五百三十里西南至寶慶府新化縣界三百八十里東北至江西南昌府寧州界二百八十里西北至常德府沅江縣界二百里自府治至

京師四千五百五十里明初改為潭州府洪武五年改為長沙府

本朝初屬湖廣省康熙三年分為湖南省移偏沅巡

撫駐此雍正二年改為湖南巡撫凡領州一縣十一

長沙縣

附郭治府西北境

善化縣

附郭治府東南境

湘潭縣

在府西南一百里

湘陰縣

在府北一百二十里

湘鄉縣

在府西南二百十里

寧鄉縣

在府西一百里

益陽縣

在府西二百里

瀏陽縣

在府東一百五十里

安化縣

在府西北二百六十里

醴陵縣

在府東南二百九十里

攸縣

在府南二百八十里

茶陵州

在府東南四百八十里

岳州府在省治東北三百二十里東西距三百八

十里南北距三百二十里東至湖北武昌府通城

縣界二百里西至澧州安鄉縣界一百八十里南

至長沙府瀏陽縣界二百九十里北至湖北荊州
府監利縣界三十里東南至江西南昌府寧州界
三百六十里西南至常德府龍陽縣界三百十五
里東北至武昌府嘉魚縣界二百十里西北至荊
州府石首縣界二百里自府治至

京師四千二百五十里明洪武二年為岳州府旋降
為州十四年復為府共領州一縣七

本朝初屬湖廣省後分屬湖南省雍正七年升澧州

為直隸州分安鄉石門慈利三縣往屬今領縣四

巴陵縣

附郭

臨湘縣

在府東北九十里

平江縣

在府東南二百四十里

華容縣

在府西一百八十里

常德府在省治西北六百七十里東西距四百二十里南北距二百十里東至長沙府益陽縣界一百六十里西至辰州府沅陵縣界二百六十里南

至長沙府安化縣界一百二十里北至澧州界九
十里東南至長沙府益陽縣界一百三十五里西
南至沅陵縣治三百八十里東北至岳州府治四
百五里西北至澧州府石門縣治二百二十里自
府治至

京師三千九百八十里明為常德府

本朝初屬湖廣省後分屬湖南省凡領縣四

武陵縣

附郭

桃源縣

在府西
八十里

龍陽縣

在府東
八十里

沅江縣

在府東南二
百七十一里

衡州府在省治南三百六十里東西距四百里南

北距二百九十里東至江西吉安府永寧縣界二

百八十里西至寶慶府邵陽縣界一百二十里南

至桂陽州界一百六十里北至長沙府湘潭縣界

一百三十里東南至郴州治三百里西南至永州

府治三百五十里東北至吉安府治八百七十里
西北至長沙府湘鄉縣界一百六十里自府治至
京師四千二百二里明為衡州府共領州一縣九

本朝初屬湖廣省後分屬湖南省雍正七年升桂陽
州為直隸州分臨武藍山嘉禾三縣往屬乾隆二
十年增置清泉縣今領縣七

衡陽縣

附郭

清泉縣

附郭本衡陽縣地 本朝乾隆二十一年
折置清泉縣與衡陽縣並為府治

衡山縣

在府北一百里

耒陽縣

在府東南一百五十里

常寧縣

在府西南一百二十里

安仁縣

在府東一百五十里

酃縣

在府東三百里

永州府在省治西南六百六十里東西距三百四十里南北距五百九十里東至衡州府常寧縣界二百里西至廣西桂林府全州界一百四十里南

至廣西平樂府富川縣界四百二十里北至寶慶
府邵陽縣界一百七十里東南至桂陽州治三百
五十里西南至平樂府治六百三十里東北至衡
州府治三百五十里西北至寶慶府治三百八里
自府治至

京師六千八百八十里明為永州府降道州為屬州
本朝初屬湖廣省後分屬湖南省凡領州一縣七

零陵縣

附郭

祁陽縣

在府東北
一百里

東安縣

在府西
九十里

道州

在府南一
百五十里

寧遠縣

在府東南一
百八十里

永明縣

在府西南二
百二十五里

江華縣

在府南二
百二十里

新田縣

在府東少南
二百八十里

寶慶府在省治西南四百八十里東西距四百四

十里南北距三百九十里東至衡州府衡陽縣界
一百二十里西至靖州綏寧縣界三百二十里南
至永州府東安縣界一百十里北至辰州府溆浦
縣界二百八十里東南至永州府治三百里西南
至廣西桂林府全州治四百二十里東北至長沙
府治四百五十里西北至辰州府治二百里自府
治至

京師五千里明為寶慶府降武岡州為屬州

本朝初屬湖廣省後分屬湖南省凡領州一縣四

邵陽縣

附郭

新化縣

在府北一百八十里

城步縣

在府西南四百二十里

武岡州

在府西南二百八十里

新寧縣

在府西南三百十里

辰州府在省治西六百里東西距四百八十里南

北距四百三十里東至常德府桃源縣界一百四

十里西至沅州府麻陽縣界三百四十里南至寶慶府武岡州界二百五十里北至永順府永順縣界一百八十里東南至寶慶府新化縣界三百四十里西南至沅州府治二百三十里東北至岳州府慈利縣界一百五十里西北至永順府永順縣界一百八十里自府治至

京師六千三百四十里明為辰州府共領州一縣六本朝初屬湖廣省後分屬湖南省康熙四十三年開

置乾州廳及鳳凰營廳雍正八年開置永綏廳又
升沅州為直隸州分黔陽麻陽二縣往屬乾隆元
年升沅州為府今辰州府凡領縣四廳三

沅陵縣

附郭

瀘溪縣

在府南一百十里舊盧
溪縣本朝改為瀘溪

辰溪縣

在府南一
百七十里

溆浦縣

在府南二
百七十里

乾州廳

在府西南二百八十里本草邊紅苗地
本朝康熙四十三年以生苗向化置同知

治其地

鳳凰營廳

在府西南二百八十里本草邊紅苗地
本朝康熙四十三年以生苗向化置

通判治
其地

永綏廳

在府西三百里本六里紅苗地
本朝雍正八年以生苗向化置同知治其地

沅州府在省治西六百七十里東西距五百六十

里南北距三百四十二里東至辰州府溆浦縣界

三百二十里西至貴州鎮遠府界二百四十里南

至靖州會同縣界一百九十里北至辰州府鳳凰

廳界一百五十二里東南至寶慶府武岡州界二百四十里西南至貴州鎮遠府天柱縣八十里東北至辰州府瀘溪縣界一百二里西北至貴州思州府玉屏縣界一百三十里自府治至

京師四千六百十里明洪武初為沅州府八年降為沅州以盧陽縣省入屬辰州府

本朝初因之雍正八年升為直隸州以黔陽麻陽二縣來屬乾隆元年升為府又增置芷江縣凡領縣

三

芷江縣

附郭宋置盧陽縣明初省入沅州本朝乾隆元年升州為府以州地置縣為府治

黔陽縣

在府東九十里

麻陽縣

在府西一百三十里初屬辰州府雍正八年分屬沅州乾隆元年屬府

永順府在省治西北六百里東西距五百里南北

距六百五十里東至辰州府沅陵縣界二百里西

至四川酉陽州界三百里南至辰州府乾州廳界

三百里北至湖北宜昌府鶴峰州界三百五十里

東南至辰州府沅陵縣界一百四十里西南至辰
州府永綏廳界二百三十里東北至澧州安福縣
界三百里西北至湖北施南府來鳳縣界三百里
自府治至

京師四千八十里明洪武六年為永順等處軍民慰
司屬湖廣都司

本朝初因之雍正七年以苗人向化願設流官比於
內地改為永順凡領縣四

永順縣

附郭明為永順宣慰司治 本朝雍正七年改置縣為府治

龍山縣

在府西一百二十里明白崖洞長官司治 本朝雍正七年改置龍山縣

保靖縣

在府南一百四十里明保靖宣慰司地 本朝雍正七年改置縣

桑植縣

在府北一百二十里明桑植安撫司地 本朝雍正七年改置縣

靖州在省治西南一千二百里東西距四百五十

五里南北距三百七十里東至寶慶府武岡州界

二百六十里西至貴州黎平府永從縣界一百九

十五里南至廣西柳州府融縣界一百九十里北

至沅州府黔陽縣界一百八十里東南至城步縣
治二百五十里西南至黎平府開泰縣界八十五
里東北至黔陽縣界二百九十里西北至黎平府
天柱縣界三十里本州境東西距一百四十五里
南北距一百五里東界綏寧縣西界開泰縣南界
通道縣北界會同縣自州治至

京師六千里明洪武三年升靖州府九年改為直隸
州以州治永平縣省入萬厯二十五年增置天柱

縣

本朝初屬湖廣省後分屬湖南省雍正四年以天柱縣改屬貴州鎮遠府今領縣三

綏寧縣

在州東一百十里

通道縣

在州南八十里

會同縣

在州北九十里

澧州在省治西北七百十里東西距四百四十五里南北距二百五里東至岳州府華容縣界一百

欽定四庫全書

皇朝文獻通考
卷二百八十一

十五

二十五里西至永順府永順縣界三百二十里南至常德府武陵縣界一百二十里北至湖北荊州府公安縣界八十五里東南至常德府沅江縣界一百四十里西南至常德府桃源縣界二百五十里東北至公安縣界八十里西北至荊州府枝江縣治三百六十里本州境東西距一百四十里南北距二百五里東界安鄉縣西界石門縣南界武陵縣北界公安縣自州治至

京師三千四百七十八里明洪武初為澧州府二十
九年降為州以州治澧陽縣省入屬常德府明年
改屬岳州府

本朝初因之雍正七年升為直隸州以安鄉石門慈
利三縣來屬又增置安福縣十三年又增置永定
縣凡領縣五

安鄉縣

在州東八十里初屬岳州府雍正七年分屬澧州

石門縣

在州西六十里初屬岳州府雍正七年分屬澧州

慈利縣

在州西南一百四十里初屬州府雍正七年分屬澧州

安福縣

在州西南一百七十里明置九溪永定二衛本朝雍正七年改置安福縣

永定縣

在州西二百里明時為永定衛地本朝雍正七年為安福縣地十三年析置永定

縣

郴州在省治東南六百八十里東西距三百三十

五里南北距二百四十五里東至江西吉安府龍

泉縣界二百九十里西至桂陽州界四十五里南

至廣東韶州府乳源縣界一百二十里北至衡州

府安仁縣界一百二十五里東南至江西南安府
治三百里西南至廣東連州治二百五十里東北
至吉安府永寧縣界四百里西北至衡州府治三
百里本州境東西距八十五里南北距九十五里
東界興寧縣西界桂陽州南界宜章縣北界永興
縣自州治至

京師四千一百十二里明洪武初為郴州府九年降
為直隸州以州治郴陽縣省入

本朝初屬湖廣省後分屬湖南省凡領縣五

永興縣

在州北
八十里

宜章縣

在州南
九十里

興寧縣

在州東
六十里

桂陽縣

在州東南一
百八十五里

桂東縣

在州東二
百七十里

桂陽州在省治東南六百三十里東西距二百二

十七里南北距二百五十里東至郴州界三十里

西至永州府江華縣界一百九十七里南至廣東
連州界一百八十里北至衡州府來陽縣界七十
里東南至郴州宜章縣治一百五十里西南至永
州府新田縣界八十里東北至郴州永興縣界六
十里西北至衡州府常寧縣界一百里本州境東
西距九十里南北距一百十里東界郴州西界藍
山縣南界臨武縣北界常寧縣自州治至

京師四千四百七十二里明洪武九年為桂陽州以

州治平陽縣省入屬衡州府

本朝初因之雍正十年升為直隸州以臨武藍山嘉

禾縣來屬凡領縣三

臨武縣

在州南一百四十里初屬衡州府雍正十年分屬桂陽州

藍山縣

在州西南一百五十里初屬衡州府雍正十年分屬桂陽州

嘉禾縣

在州西南一百十里初屬衡州府雍正十年分屬桂陽州

皇朝文獻通考卷二百八十一

欽定四庫全書

皇朝文獻通考卷二百八十二

輿地考 十四

陝西省

臣等謹按古雍州與冀接壤而禹貢叙之於九州之末說者以為其地勢最高故治水之功以是終焉自幽岐豐鎬遞作周畿所稱輿區神臯者於是乎在公羊傳始有陝東陝西之稱後漢書郡國志

以陝陌為二伯所分即今河南之陝州是也兩晉之時陝東西各隨建都之地稱之西晉都洛陽則關中曰陝西東晉都建康則稱荊州曰陝西自唐乾元時置陝西節度使指陝州以西而言宋初始置陝西路於是潼關以西全秦之地通謂之陝西矣夫陝省據形勢之險秦漢迄唐之故都皆在焉其東距崤函西連隴坻南控漢津而北則黃河迴繞右自延安府之定邊縣西北出塞左自榆林府

之府谷縣東北入塞其間迤為河套環帶邊城實
為四塞之國明代以套地為元裔所居時多邊警
雖屢議恢復而卒鮮成功自入

本朝以來鄂爾多斯諸部隸我版宇拱衛塞垣是以
三輔提封鞏固此實

國家撫裔寧邊懷柔無外之盛畧宣徒以百二山河
表地形之勝而已哉明陝西等處承宣布政使司
治西安府領府八直隸州一其西安鳳翔漢中延

安四府興安一州為今陝西省地又置陝西都指揮使司領西安等衛及鳳翔等守衛千戶所

本朝初因之設陝西巡撫及布政使司按察使司皆駐西安府設陝西總督駐固原州兼轄四川又別設延綏巡撫駐榆林衛順治十四年令總督罷轄四川專為陝西總督康熙元年裁延綏巡撫二年移右布政使司分治甘肅其左布政使司仍治西安領西安鳳翔漢中延安四府興安一州四年令

總督兼轄山西為山陝甘總督駐西安府六年改
左布政為西安布政使司後改為陝西布政使司
十四年令總督罷轄山西改為陝甘總督十九年
改為川陝甘總督兼轄四川二十二年移總督駐
漢中府後仍還駐西安雍正三年升西安府之同
華耀商乾邠六州延安府之鄜綏德葭三州俱為
直隸州九年令總督專轄陝甘又改榆林衛為府
十三年令總督仍兼轄四川又升直隸同州為府

降直隸華州屬同州府降直隸耀州還屬西安府
乾隆元年降直隸葭州屬榆林府十四年令總督
仍專轄陝甘二十四年令兼轄陝西四川二省於
甘肅專設總督尋仍定為陝甘總督二十九年定
總督移駐甘肅蘭州府兼轄陝西四十八年升直
隸興安州為興安府凡領府七直隸州五各衛所
俱以次裁併入州縣東西距九百三十五里南北
距二千四百二十六里東至河南陝州閿鄉縣界

三百五里西至甘肅秦州清水縣界六百三十里
南至四川達州太平縣界一千三十里北至榆林
府邊牆一千三百九十六里東南至河南南陽府
淅川縣界六百二十里西南至四川保寧府廣元
縣界一千三百八十五里東北至山西保德州河
曲縣界一千八百六十里西北至甘肅慶陽府真
寧縣界三百二十里在

京師西南二千六百五十里

西安府為省治東西距三百五里南北距七百十里東至同州府華州界一百六十里西至乾州武功縣界一百四十五里南至興安州石泉縣界四百三十里北至鄜州宜君縣界二百八十里東南至商州界二百里西南至漢中府洋縣界三百六十里東北至同州府蒲城縣界二百十里西北至乾州永壽縣界二百里自府治至

京師二千六百五十里明為西安府共領州六縣三

十一

本朝初因之雍正三年升同華耀商乾邠六州並為直隸州以朝邑等十七縣分屬六州十三年又以耀州及同官縣還凡領州一縣十五

長安縣

附郭治府西境

咸寧縣

附郭治府東境

咸陽縣

在府西少北五十里

興平縣

在府西一百里

臨潼縣

在府少北六十里

高陵縣

在府東北七十里

鄠縣

在府西南七十里

藍田縣

在府東南九十里

涇陽縣

在府西北七十里

三原縣

在府北九十里

盩厔縣

在府西南一百六十里

渭南縣

在府東少北一百四十里

富平縣

在府東北一百二十里

醴泉縣

在府西北一百二十里

耀州

在府東一百三十里屬西安府雍正三年升為直隸州十三年還屬府

同官縣

在府北一百八十里初屬西安府雍正三年分屬耀州十三年還屬府

同州府在省治東北二百四十里東西距一百七

十八里南北距三百五十五里東至山西蒲州府

永濟縣黃河界五十八里西至西安府富平縣界

一百二十里南至商州雒南縣界一百七十五里

北至鄜州雒川縣界一百八十里東南至雒南縣
界一百二十里西南至西安府渭南縣界五十里
東北至山西絳州河津縣黃河界二百六十里西
北至雒川縣界一百九十里自府治至

京師二千一百三十里明同州屬西安府

本朝初因之雍正三年升為直隸州以朝邑郃陽澄
城韓城四縣來屬十三年復升為府增置大荔縣
以華州及華陰蒲城潼關三縣并耀州之白水縣

來屬乾隆十二年裁潼關縣以同知分治為潼關

廳共領州一縣八廳一

大荔縣

附郭金以前為馮翊縣地元省入州
朝雍正十三年升州為府以州地置縣為本

治府

朝邑縣

在府東三十里初屬西安府雍正
正三年分屬同州十三年屬府

郃陽縣

在府東北一百十里初屬西安府
雍正三年分屬同州十三年屬府

澄城縣

在府北一百里初屬西安府雍正
正三年分屬同州十三年屬府

韓城縣

在府東北二百二十里初屬西安府
雍正三年分屬同州十三年屬府

白水縣

在府西北一百三十里初屬西安府雍正三年分屬耀州十三年改屬同州府

華縣

在府南一百八十里初屬西安府雍正三年升為直隸州十三年改屬同州府

華陰縣

在府南一百六十里初屬西安府雍正三年分屬華州十三年改屬同州府

蒲城縣

在府西八十里初屬西安府雍正三年分屬蒲州十三年改屬同州府

潼關廳

在府東南九十里明洪武九年置潼關衛本朝初屬西安府雍正四年改置潼關

縣屬華州十三年改屬同州府乾隆十二年裁潼關縣移同知駐此分理民事

臣等謹按古雍梁二州皆以華山分界華陰為雍

華陽為梁華東則為豫故周禮職方氏又以華山

為豫鎮也自太華以西其北則為華州西安府鳳翔府境其南則為商州興安州漢中府境其間大山長谷遠者或數百里終南山東連二華竦峙長安之南有子午谷直達漢中岡巒綿亘歷盤厓至武功郿縣為太乙山駱谷斜谷之口皆當其地又西過寶雞迄于隴首其山之高而長大者曰秦嶺西京記云長安正南山名秦嶺東起商洛西盡研隴東西八百里是也關中指此為南山漢中指此

為北山斯實雍梁之大限矣

鳳翔府在省治少西北三百六十里東西距四百二十里南北距二百四十里東至乾州武功縣界一百五十里西至甘肅秦州清水縣界二百七十里南至漢中府鳳縣界一百七十里北至甘肅平涼府靈臺縣界七十里東南至西安府藍屋縣界一百六十五里西南至鳳縣界一百八十里東北至乾州永壽縣界一百六十五里西北至平涼府

華亭縣界二百十里自府治至

京師三千里明為鳳翔府

本朝因之領州一縣七

鳳翔縣

附郭

岐山縣

在府東五十里

寶雞縣

在府西南九十里

扶風縣

在府東一百十里

郿縣

在府東南一百十里

麟遊縣

在府東北一百二十里

汧陽縣

在府西北七十里

隴州

在府西北一百五十里

漢中府在省治西南一千七十里東西距八百十里南北距六百五十里東至興安州石泉縣界三百十里西至甘肅階州界五百里南至保寧府南江縣界一百四十里北至鳳翔府寶雞縣界五百十里東南至興安州紫陽縣界三百二十里西南

至四川保寧府廣元縣界三百四十里東北至西
安府盤屋縣界三百六十里西北至甘肅秦州兩
當縣界四百八十里自府治至

京師三千五百里明為漢中府

本朝因之乾隆十五年增置留壩廳凡領州一縣八
廳一

南鄭縣附郭

褒城縣

在府西北
四十里

城固縣

在府東少北七十里

洋縣

在府東一百二十里

西鄉縣

在府東南二百四十里

鳳縣

在府西北三百八十里

寧羌州

在府西南二百八十里

沔縣

在府西一百一十里

略陽縣

在府西北二百九十里

留壩廳

在府西南一百九十里本鳳縣留壩驛地本朝乾隆十五年移通判駐此分理民

事以附近松林武
關二驛地俱屬之

延安府在省治北七百四十里東西距四百八十
里南北距三百九十里東至山西汾州府永寧州
黃河界三百里西至甘肅慶陽府合水縣界一百
八十里南至鄜州界一百三十里北至綏德州界
二百六十里東南至同州府韓城縣界三百五十
五里西南至鄜州界一百四十里東北至綏德州
清澗縣界一百九十五里西北至甘肅寧夏府靈

州界六百四十里自府治至

京師二千二百里明為延安府共領州三縣十六

本朝初因之雍正三年升鄜綏德葭三州為直隸州
以雒州等八縣分屬六州乾隆元年以榆林府之
靖邊定邊二縣來屬八年增置安邊廳凡領縣十
廳一

膚施縣

附郭

安塞縣

在府北少
西四十里

甘泉縣

在府南少西九十里

安定縣

在府北少東一百八十里

保安縣

在府西北二百二十里

宜川縣

在府東南二百六十里

延川縣

在府東少北一百九十里

延長縣

在府東一百五十里

靖邊縣

在府西北三百里明成化十一年置靖邊營屬延綏鎮本朝初為靖邊所雍正二

年設同知于此九年改置靖邊縣屬榆林府乾隆元年改屬延安府

定邊縣

在府西北三百五十里明正統二年置定邊營屬延綏鎮本朝初為定邊協鎮雍正

正九年改置定邊縣屬榆林府乾隆元年改屬延安府

安邊廳

在府西北二百五十里明正統二年置安邊營成化十一年于南境六十里改置新

安邊營嘉靖時新舊二營並設兵駐守本朝初以新安邊營併入舊安邊營為安邊堡乾隆八年

移同知駐此
分理民事

榆林府在省治北一千三百五十里東西距五百

二十二里南北距二百二十三里東至山西汾州

府臨縣黃河界二百六十七里西至延安府靖邊

縣界二百五十五里南至綏德州米脂縣界一百六十五里北至邊牆外鄂爾多斯界五十八里東南至臨縣界二百九十二里西南至延安府安塞縣界三百七十五里東北至山西保德州黃河界五百十五里西北至邊牆八十里自府治至

京師一千九百七十里明成化七年置榆林衛為延綏鎮治

本朝雍正八年改置榆林府增置榆林懷遠靖邊三

縣九年增置定邊縣乾隆元年以葭州及神木府
谷二縣來屬以靖邊定邊二縣往屬延安府領州

一縣四

榆林縣

附郭明成化七年置榆林衛本朝雍正
二年省衛入綏德州八年置榆林縣為府

治

懷遠縣

在府西一百六十里明天順中置懷
遠堡本朝雍正九年改置懷遠縣

葭州

在府東南一百七十里初屬延安府雍正
三年升為直隸州乾隆元年改屬榆林府

神木縣

在府西北二百四十里初屬延安府雍正
三年分屬葭州乾隆元年改屬榆林府

府谷縣

在府西北二百里初屬延安府雍正三年分屬葭州乾隆元年改屬榆林府

興安府在省治南六百八十里東西距七百六十里南北距六百二十里東至湖北鄖陽府鄖縣界四百十五里西至漢中府西鄉縣界三百四十五里南至四川夔州府大寧縣界三百五十里北至商州鎮安縣界二百七十里東南至鄖陽府竹雞縣界二百四十里西南至四川達州太平縣界四百四十里東北至鄖陽府鄖西縣界四百二十里

西北至西安府長安縣界三百九十里本府境東
西距一百八十里南北距三百三十里東界洵陽
縣西界漢陰縣南界平利縣北界鎮安縣自府治
至

京師四千四百四十里明初屬漢中府萬曆十一年
改為興安州二十三年升為直隸州

本朝初因之乾隆四十八年升為府領縣六

安康縣

附郭舊屬興安州乾隆四十
八年升州為府置縣為府治

平利縣

在府南少東九十里舊屬興安州乾隆四十八年屬府

洵陽縣

在府東一百二十里舊屬興安州乾隆四十八年屬府

白河縣

在府東四百里舊屬興安州乾隆四十八年屬府

紫陽縣

在府西南二百二十里舊屬興安州乾隆四十八年屬府

石泉縣

在府西北二百七十里舊屬興安州乾隆四十八年屬府

商州在省治東南三百里東西距四百六十里南

北距四百三十里東至河南陝州盧氏縣界三百

三十里西至西安府藍田縣界一百三十里南至

湖北鄖陽府鄖西縣界二百四十里北至同州府
華陰縣界一百九十里東南至河南南陽府淅川
縣界三百二十里西南至興安州漢陰縣界四百
三十里東北至陝州閿鄉縣界二百二十里西北至
西安府渭南縣界二百里本州境東西距三百里
南北距一百六十里東界商南縣西界藍田縣南
界山陽縣北界雒南縣自府治至

京師二千八百里明洪武七年降州為商縣屬華州

成化十二年復升為州屬西安府

本朝初因之雍正三年升為直隸州領縣四

鎮安縣

在州西南三百四十里初屬西安府雍正三年分屬商州

雒南縣

在州北少東九十里初屬西安府雍正三年分屬商州

山陽縣

在州南少東一百二十里初屬西安府雍正三年分屬商州

商南縣

在州東少南二百五十里初屬西安府雍正三年分屬商州

乾州在省治西北一百六十里東西距九十五里

南北距二百二十里東至西安府醴泉縣界三十

五里西至鳳翔府扶風縣界六十里南至西安府
藍屋縣界九十五里北至邠州界一百二十五里
東南至藍屋縣界九十里西南至鳳翔府郿縣界
七十五里東北至邠州界一百六十里西北至邠
州界一百四十里本州境東西距九十五里南北
距八十五里東界醴泉縣西界扶風縣南界武功
縣北界永壽縣自州治至

京師二千八百里明屬西安府

本朝初因之雍正三年升為直隸州領縣二

武功縣

在州西南六十五里初屬西安府雍正三年分屬乾州

永壽縣

在府北九十里初屬西安府雍正三年分屬乾州

邠州在省治西北三百二十里東西距二百九十

里南北距九十五里東至西安府耀州界一百八

十里西至甘肅涇州界一百十里南至乾州永壽

縣界三十五里北至甘肅慶陽府寧州界六十里

東南至西安府涇陽縣界一百七十里西南至鳳

翔府麟遊縣界七十五里東北至廊州宜君縣界
一百五十里西北至寧州界一百二十里本州境
東西距一百二十五里南北距九十五里東界淳
化縣西界長安縣南界永壽縣北界寧州自州治
至

京師三千里明省新平縣入州屬西安府

本朝初因之雍正三年升為直隸州領縣三

三水縣

在州東北六十五里初屬西
安府雍正三年分屬邠州

淳化縣

在州東少南一百四十里初屬西安府雍正三年分屬邠州

長武縣

在州西北八十里初屬西安府雍正三年分屬邠州

邠州在省治北五百五十里東西距三百五十里

南北距三百八十五里東至同州府韓城縣界一

百八十里西至甘肅慶陽府合水縣界一百七十

里南至西安府同官縣界三百四十里北至延安

府甘泉縣界四十五里東南至同州府白水縣界

一百八十里西南至慶陽府真寧縣界三百二十

里東北至延安府宜川縣界九十里西北至甘泉縣九十里本州境東西距二百里南北距一百二十五里東界洛川縣西界合水縣南界中部縣北界甘泉縣自州治至

京師二千五百里明屬延安府

本朝初因之雍正三年升為直隸州領縣三

維川縣

在州東南六十里初屬延安府雍正三年分屬鄜州

中部縣

在州南少西一百四十里初屬延安府雍正三年分屬鄜州

宜君縣

在州南二百十里初屬延安府雍正三年分屬郡州

綏德州在省治東北一千一百里東西距二百七
十里南北距二百四十五里東至山西永寧州黃
河界一百三十里西至延安府安定縣界一百四
十里南至延安府延川縣界一百六十里北至榆
林府榆林縣界八十五里東南至延川縣界二百
十里西南至安定縣界八十里東北至榆林府葭
州界一百三十里西北至榆林府懷遠縣界二百

八十里本州境東西距一百五十里南北距四十
五里東界永寧州西與北並界米脂縣南界清澗
縣自州治至

京師一千八百里明屬延安府

本朝初因之雍正三年升為直隸州領縣二乾隆元
年復以吳堡縣來屬凡領縣三

米脂縣

在州北八十里初屬延安府雍正三年分屬綏德州

清澗縣

在州西南一百四十里初屬延安府雍正三年分屬綏德州

吳堡縣

在州東三十里初屬延安府雍正三年分屬葭州乾隆元年改屬綏德州

皇朝文獻通考卷二百八十二

欽定四庫全書

皇朝文獻通考卷二百八十三

輿地考 十五

甘肅省

臣等謹按禹貢以黑水西河表雍州之界自孔鄭通儒不言黑水所在杜佑以為年代久遠或至堙涸故無以詳焉蓋雍州自夏殷以降西北二邊世為戎翟錯處如西傾積石瀝野弱水三危黑水之

區皆沒於外域而禹貢之舊疆遂不可復問秦時
築長城界中國然西不過臨洮而止漢武征匈奴
始取渾邪休屠王地開置河西四郡史稱其地勢
西北邪出隔絕南羌西通西域以斷匈奴右臂至
晉代張軌呂光之徒乘時割據五涼相斷皆自保
一隅與中土隔絕隋唐時雖暫置郡縣天寶以後
河西隴右全沒於土番大中號稱收復而名存實
亡流傳五代以及於宋河隴復為西夏所據莫能

混一惟元代以甘肅與陝西分省並列十一省之中明初以其介在邊陲多改為衛所以陝西行都司領之至於嘉峪關外初設赤金蒙古等衛以為屏蔽嘉靖而還諸番內徙但以關為中外之巨防我

朝開拓邊疆若寧夏西寧涼甘諸衛並已升為府縣其西自肅州而外安西五衛北接天山久為

列聖撫綏駕馭之地我

皇上布昭神武全定金方是以升安西為府改哈密巴里坤為廳為關外之雄封西陲之鎖鑰蓋伊吾瓜沙之間宛然腹地焉以視禹貢所謂西被流沙者固遠出乎其外矣

甘肅明陝西布政使司共領府八其臨洮鞏昌平涼慶陽四府為今甘肅省地又置陝西都指揮使司於西安領寧夏洮州等衛及鎮羌等千戶所又置陝西行都指揮使司於甘州領甘州肅州等衛

及鎮夷等千戶所

本朝初設甘肅巡撫駐甘州衛設寧夏巡撫駐寧夏
衛其總督及布政按察二司則統於陝西康熙三
年移陝西右布政使司駐鞏昌又增置按察使司
分領鞏昌臨洮平涼慶陽四府四年裁寧夏巡撫
五年移甘肅巡撫駐蘭州六年改右布政為鞏昌
布政使司八年移布政按察二司俱駐蘭州改鞏
昌布政為甘肅布政使司後俱移駐臨洮以臨洮

府為會城五十七年於嘉峪關邊外開置靖逆廳
以同知分治領靖逆赤金二衛雍正二年省行都
司及諸衛所改置寧夏西寧涼州甘州四府五年
又於邊外開置安西廳以同知分治領安西沙州
柳溝三衛于靖逆廳改置通判七年升鞏昌府屬
之階秦二州俱為直隸州又改肅州衛為直隸州
乾隆三年以蘭州為省治改為蘭州府巡撫及布
政按察二司俱駐蘭州二十五年以平定西域改

安西靖逆二廳置安西府又於哈密城設通判分治于巴里坤城設同知分治並直隸於安西道二十九年裁甘肅巡撫以陝甘總督自西安移駐蘭州府兼理甘肅巡撫事三十八年增置鎮西府改安西府為直隸安西州升平涼府屬之涇州為直隸州又增置直隸迪化州凡領府九直隸州六道所轄之廳一各衛所俱以次裁改入州縣東西距一千九百八十里南北距二千七百五里東至陝

西邠州長武縣界八百六十里西至河州閭門接
番界一千一百二十里南至四川龍安府平武縣
界一千二百九十里北至邊牆一千四百十五里
東南至漢中府略陽縣界一千四百三十里西南
至洮州廳接番界一千一百三十里東北至陝西
延安府保安縣界一千二百四十里西北至安西
州境外地三千餘里在

京師西南四千四十里自安西州西北為哈密城距

安西八百七十里自哈密西北為巴里坤城距哈密三百三十里

蘭州府為省治東西距一千二百四十里南北距七百六十里東至鞏昌府安定縣界一百五十里西至蘭門接西番界一千九十里南至鞏昌府岷州界三百三十里北至涼州府平番縣界四百三十里東南至鞏昌府安定縣界一百四十里西南至鞏昌府洮州廳界四百六十里東北至寧夏府

中衛縣界四百四十里西北至平番縣界一百里
自府治至

京師四千四十里明洪武初降為蘭縣成化十三年
復升為州屬於臨洮府其臨洮府所共領州二縣
三

本朝初屬陝西省康熙三年分為甘肅省初以鞏昌
府為省治復以臨洮府為省治以蘭州屬於臨洮
府乾隆三年改蘭州為省治升為蘭州府增置皋

蘭縣為府治改舊臨洮府治之狄道縣為狄道州
與河州及金縣渭源縣來屬又以鞏昌府之靖遠

縣就近來屬凡領州二縣四

皋蘭縣

附郭乾隆三年升蘭州為府以州地置縣為府治

金縣

在府東南八十里初屬臨洮府乾隆三年改屬蘭州府

狄道州

在府南三百十里初為臨洮府治乾隆三年改縣為狄道州屬蘭州府

渭源縣

在府南二百五十里初屬臨洮府乾隆三年屬蘭州府

河州

在府西二百里初屬臨洮府乾隆三年屬蘭州府

靖遠縣

在府東北二百三十里明正統時置靖遠衛屬陝西都司本朝雍正二年裁衛設

同知治此屬鞏昌府八年改置靖遠縣乾隆三年改屬蘭州府

鞏昌府在省治東南四百十里東西距二百九十

五里南北距八百十里東至秦州界二百二十里

西至蘭州府渭源縣界七十五里南至階州界五

百三十里北至蘭州府靖遠縣界二百八十里東

南至階州成縣界三百八十里西南至岷州境外

西番界三百四十里東北至平涼府固原州界七

百四十里西北至蘭州府金縣治二百九十五里
自府治至

京師三千八百里明為鞏昌府領州三縣十四

本朝初屬陝西省後分屬甘肅省雍正七年降徽州
為縣升階泰二州為直隸州以文縣等七縣分屬
二州八年改置岷州及靖遠縣乾隆三年以靖遠
縣改屬蘭州府十三年改置洮州廳凡領州一縣
八廳一

隴西縣

附郭

安定縣

在府北一百八十里

會寧縣

在府東北二百十里

通渭縣

在府東北二百里

漳縣

在府南七十里

寧遠縣

在府東南九十里

伏羌縣

在府東南一百九十里

西和縣

在府東南三百十里

岷州

在府西南二百四十里明洪武十一年為岷州衛屬陝西都司本朝雍正二年沒屬鞏

昌府八年裁

衛改屬岷州

洮州廳

在府西南二百六十里明洪武四年為洮州衛屬陝西都司本朝雍正二年改屬

鞏昌府乾隆十三年裁衛以舊駐西固城同知改為撫番同知移治于此

平涼府在省治東六百六十里東西距五百里南

北距五百八十里東至陝西邠州長武縣界二百

十里西至鞏昌府會寧縣界二百九十里南至陝

西鳳翔府隴州界一百五十里北至慶陽府環縣

界四百三十里東南至鳳翔府麟遊縣界二百五十里西南至秦州秦安縣界三百十里東北至環縣二百四十里西北至寧夏府中衛縣界四百里自府治至

京師三千二百八十里明為平涼府

本朝初屬陝西省後分屬甘肅省乾隆三十八年升涇州為直隸州以崇信靈臺鎮原三縣往屬領州

二縣三

平涼縣

附郭

華亭縣

在府南少西九十里

固原州

在府西北一百七十里

靜寧州

在府西二百三十里

隆德縣

在府西一百四十里

慶陽府在省治東一千八百里東西距三百十里

南北距四百二十里東至陝西延安府甘泉縣界

一百八十里西至平涼府鎮原縣界一百三十里

南至陝西邠州界二百二十里北至延安府定邊
縣界二百里東南至邠州三水縣界二百九十里
西南至平涼府涇州治二百二十里東北至延安
府保安縣界二百五十里西北至寧夏府靈州花
馬池界三百八十里自府治至

京師由吳堡路二千五百里由大慶關路三千七十
里明為慶陽府

本朝初屬陝西後分屬甘肅省領州一縣四

安化縣

附郭

合水縣

在府東
七十里

環縣

在府西北一
百八十里

真寧縣

在府東南二
百八十里

寧州

在府南少東
一百五十里

寧夏府在省治東北一千一百里東西距五百三

十里南北距六百六十里東至陝西延安府定邊

縣界三百七十里西至賀蘭山邊界一百六十里

南至平涼府固原州界三百七十里北至邊界二百九十里東南至慶陽府環縣界三百六十里西南至固原州界四百里東北至邊界三百里西北至邊界二百二十里自府治至

京師四千五十里明洪武初為寧夏府五年廢九年改置寧夏衛後又增置寧夏前衛後衛及中屯左屯右屯等衛俱屬陝西行都司

本朝順治十五年併前衛入寧夏衛併中屯衛入左

右二衛雍正二年改置寧夏府以各衛所分置一州六縣乾隆四年以新渠寶豐二縣省入平羅縣

凡領州一縣四

寧夏縣

附郭治府東境明洪武初置寧夏左屯衛屬陝西行都司本朝雍正二年改置寧

夏縣為

府治

寧朔縣

附郭治府西境明洪武初置寧夏右屯衛屬陝西行都司本朝雍正二年改置寧

朔縣與寧夏

縣並為府治

平羅縣

在府北少東一百二十里明永樂初築平鹵城嘉靖三十年置平鹵所屬寧夏衛

本朝初為平羅所雍正二年改置平羅縣屬
寧夏府乾隆四年以新渠寶豐二縣省入

靈州

在府東南九十里明洪武中置靈州所屬寧
夏府本朝雍正二年改為靈州屬寧夏府

中衛縣

在府西南三百六十里明置寧夏中衛屬
陝西行都司本朝雍正二年改置中衛

縣屬寧

夏府

西寧府在省治西北七百七十里東西距三百五
十里南北距三百九十五里東至涼州府平番縣
界二百六十里西至青海番界九十里南至黃河
接蘭州府河州邊外界一百六十里北至大雪山

接涼州府界二百三十五里東南至河州界四百
二十里西南至番界五百八十里東北至番界二
百八十里西北至番界五百八十里自府治至

京師四千五百七十里明洪武六年置西寧衛屬陝

西行都司

本朝初因之雍正二年改置西寧府分置西寧縣碾
伯縣乾隆二十六年又置大通縣凡領縣三

西寧縣

附郭明置西寧衛
年改衛為府以衛地

本朝雍正二
置縣為府治

碾伯縣

在府東一百三十里明洪武初置碾伯衛
成化時改為碾伯所屬西寧衛 本朝雍正

正二年改置

縣屬西寧府

大通縣

在府北二百二十里本西番地 本朝雍正
正二年以番衆歸附置大通衛乾隆二十

六年改

為縣

涼州府在省治西北五百五十里東西距九百三

十里南北距五百二十里東至寧夏府中衛縣界

五百九十里西至甘州府山丹縣界三百四十里

南至番界四十里北至邊界四百八十里東南至

蘭州府皋蘭縣界五百二十里西南至番界一百三十里東北至邊界四百八十里西北至山丹縣界二百六十里自府治至

京師四千三百四十里明洪武九年置涼州衛十二年置陝西行都指揮使司治莊浪衛二十六年移治甘州以各衛所屬之

本朝初因之雍正二年改置涼州府以各衛所分置武威等縣凡領縣五

武威縣

附郭明置涼州衛 本朝雍正二年改衛為府以衛地置縣為府治

鎮番縣

在府東北二百里明洪武二十九年置鎮番衛屬陝西行都司 本朝雍正二年改

置縣屬

涼州府

永昌縣

在府西北一百六十里明洪武十五年置永昌衛屬陝西行都司 本朝雍正二年

改置縣屬

涼州府

古浪縣

在府東南一百三十里明正統三年置古浪所屬陝西行都司 本朝雍正二年改

置縣屬

涼州府

平番縣

在府南三百三十里明洪武十年置莊浪衛三十一年改為所永樂元年復為衛屬

陝西行都司 本朝康熙二年復為莊
浪所雍正二年改置平番縣屬涼州府

甘州府在省治西北一千四百九十里東西距三
百三十里南北距二百里東至涼州府永昌縣界
二百二十里西至肅州高臺縣界一百里南至青
海番界一百六十里北至邊界四十里東南至涼
州府界二百五十里西南至番界二百里東北至
邊界一百里西北至高臺縣界一百二十里自府

治至

京師五千八十里明洪武五年置甘肅衛十五年改置甘州中左右前後五衛以陝西行都指揮使司自莊浪移治於此

本朝順治十五年裁中前後三衛存左右二衛雍正二年裁行都司改置甘州府分置張掖縣山丹縣凡領縣二

張掖縣

附郭明為甘州中左右前後五衛地屬陝西行都司本朝順治十五年併為左右

二衛雍正二年改衛為府以衛地改置張掖縣為府治

山丹縣

在府東一百二十里明洪武二十四年改為山丹衛屬陝西行都司 本朝雍正二

年改置縣

屬甘州府

鎮西府在省治西北四千三百四十里東至圖古

哩克接喀爾喀界西至乾溝接溝接迪化州阜康

縣界南至天山踰山接哈密界北至哈布塔克接

塔爾巴哈台界自府治至

京師七千五百十里明屬哈密及衛拉特地

本朝康熙五十四年內屬雍正九年築巴里坤城以

安西同知駐防其地乾隆三十八年置鎮西府以
巴里坤城為府治領縣二

宜禾縣

附郭乾隆三十
八年置為治

奇台縣

乾隆三十八
年置為治

涇州在省治東八百里東西距一百二十里南北
距七十里東至陝西邠州長武縣界七十里西至
平涼縣界五十里南至靈臺縣界三十里北至鎮
原縣界四十里自州治至

京師三千一百二十里明省涇川縣入州屬平涼府
本朝初因之乾隆三十八年升為直隸州凡領縣三

崇信縣

在州西二十里初屬平涼府雍正三年分屬州

鎮原縣

在州北一百二十里初屬平涼府雍正三年分屬州

靈臺縣

在州南九十里初屬平涼府雍正三年分屬州

安西州在省治西北二千四百里在嘉峪關西八
百七十里東西距八百七十里南北距四百餘里
東至肅州界五百七十里西至古營盤接流沙二

百九十五里南至南山二百里北至青整硯接哈
密界二百餘里自州治至

京師六千五百八十里明初為沙州衛及赤金蒙古
衛地成化時改沙州衛為罕東左衛後皆廢

本朝初為邊外地康熙五十七年置靖逆衛及赤金
衛兼設同知治靖逆廳領二衛在今玉門縣西北
一百二十里又置柳溝所兼設通判治之在今淵
泉縣東二百三十里雍正二年築城于布隆吉爾

地方置安西衛設總兵駐守為安西鎮兼設同知
治之在今淵泉縣東一百六十里四年增置沙州
衛又裁柳溝通判改柳溝所為衛並屬於安西廳
改靖逆同知為通判又改赤金衛為所屬于靖逆
廳共為直隸廳二十五年改築安西鎮城於舊城西
百餘里之都爾伯勒津地方移安西衛及同知俱
治此又移柳溝衛於安西衛城後復改靖逆廳屬
之赤金所為衛乾隆二十五年以西域平定裁衛

所改置安西府以安西衛置淵泉縣為府治其東境併柳溝衛地入之以沙州衛置敦煌縣以赤金衛置玉門縣其西北境併靖逆衛地入之二十七年移安西府治敦煌縣三十八年改安西府為直隸安西州省淵泉縣入玉門縣凡領縣二

敦煌縣

附郭明初沙州酋長內附置沙州衛正統以後內徙甘州其地為罕東酋長所有成

化十五年置罕東左衛嘉靖以後復入於吐魯番本朝雍正四年置沙州衛屬安西廳乾隆二十

五年改置敦煌縣屬安西府二十七年移府來治三十八年罷安西府仍屬州

玉門縣

在府東三百九十里明初赤金蒙古內附置衛正德以後為吐魯番所侵內徙肅州

其地遂廢

本朝康熙五十七年置靖逆衛為靖

逆廳治兼領赤金衛後改赤金衛為所尋復為衛

乾隆二十五年以赤金衛改置玉門縣省靖逆衛入之屬安西府三十八年罷安西府仍屬州以淵

泉縣

省入

臣等謹按安西一府縣皆在嘉峪關外玉門最東

與肅州接壤次西則為淵泉又西南則為敦煌自

敦煌縣城西一百五十餘里為古玉門關為漢時

赴車師前王庭至疏勒所經謂之北道其南則為

古陽關為漢時赴鄯善至莎車所經謂之南道又
西為白龍堆自白龍堆外為流沙東西彌望數百
里禹貢所謂餘波入於流沙者於是在焉漢書樓
蘭國東垂近漢當白龍堆後漢又名為鄯善自鄯
善而西則為且末國今自府西南境外四百里之
色爾騰海在古當為鄯善國地自色爾騰海西七
百里之噶斯在古當為且末國地皆屬今安西府
邊界自噶斯而南為古小宛國地其西為古精絕

國地接今西域和闐東境外界

階州在省治東南一千七十里東西距二百九十里南北距五百五十里東至陝西漢中府略陽縣界二百里西至鞏昌府洮州廳界九十里南至四川龍安府平武縣界三百里北至秦州禮縣界二百五十里東南至漢中府寧羌州界五百二十里西南至番界四十里東北至秦州徽縣界三百二十里西北至洮州廳界一百五十里本州境東西

距一百二十里南北距二百七十里東界成縣西
界洮州廳南界文縣北界鞏昌府西和縣自州治
至

京師三千九百四十里明洪武二年降為階縣十年
復為州屬鞏昌府

本朝雍正七年升為直隸州以文縣成縣來屬領縣
二

文縣

在州東南二百里初屬鞏
昌府雍正七年分屬階州

成縣

在州東北二百八十里初屬鞏昌府雍正七年分屬階州

秦州在省治東南五百二十里東西距二百九十里南北距四百五十里東至陝西鳳翔府隴州界二百里西至鞏昌府伏羌縣界九十里南至陝西漢中府略陽縣界三百四十里北至平涼府莊浪縣界一百十里東南至漢中府鳳縣界三百十里西南至階州界三百五十里東北至平涼府華亭縣界二百五十里西北至鞏昌府通渭縣治一百

八十里本州境東西距一百九十里南北距一百八十里東界清水縣西界伏羌縣南界徽縣北界秦安縣自州治至

京師三千七百里明洪武初省成紀縣入州屬鞏昌府

本朝雍正七年升為直隸州以秦安等四縣并降徽州為徽縣來屬凡領縣五

秦安縣

在州北八十里初屬鞏昌府雍正七年分屬秦州

清水縣

在州北一百二十里初屬鞏昌府雍正七年分屬秦州

禮縣

在州西南二百里初屬鞏昌府雍正七年分屬秦州

徽縣

在州南少東二百八十里初屬鞏昌府雍正七年降州為縣分屬秦州

兩當縣

在州東南二百七十里初屬鞏昌府雍正七年分屬秦州

臣等謹按古雍梁二州分界處自陝西省之寶雞

縣鳳縣入甘肅省界為兩當縣徽縣又西為成縣

有鐵山木皮嶺及鷲峽羊頭峽諸隘皆秦隴之阨

塞又西為岷州及洮州廳之境外自廳西南三百

餘里即西傾山所謂西傾因桓是來者也與華陽
東西準望相直其北為雍州境其南為梁州境自
西傾又西歷青海界為大積石山當西寧邊外西
南五百餘里禹導河自此始其南瀕賜支河曲即
古西戎析支地為古雍州界盡處

肅州在省治西北一千四百六十里東西距三百
九十里南北距一百五十里東至涼州府張掖縣
界三百里西至嘉峪關外西安府玉門縣界九十

里南至番界一百二十里北至邊牆三十里東南
至張掖縣界四百五十里西南至番界一百八十
里東北至邊牆一百里西北至邊牆六十里本州
境東西距一百九十里南北距一百五十里東界
高臺縣西界玉門縣南至番地北界邊牆自州治
至

京師五千五百十里明洪武二十八年改置肅州衛
屬陝西行都司

本朝初因之雍正二年裁衛併於甘州府七年改置

直隸肅州領縣一

高臺縣

在州南二百七十里明景泰七年置高臺所屬肅州衛本朝雍正七年改置縣屬

肅州

迪化州在省治西北五千七百二十里東至穆壘

烏蘭烏蘇接鎮西府台縣界西至安濟哈雅接庫

爾喀喇烏蘇界南踰天山接闢展屬界北至額彬

格遜淖爾接塔爾巴哈台界自州治至

京師八千八百九十里明屬衛拉特

本朝初為準噶爾庫本諾雅特游牧處噶勒丹多爾濟之昂吉乾隆二十年大兵進討為準噶爾噶勒丹多爾濟率其屬迎降地皆內屬有舊城周三里

賜名迪化別于舊城北建新城三十八年改設直隸化州於城西建鞏寧城為州治領縣三

昌吉縣

在州西一百二十里

綏來縣

在州西北三百八十里

阜康縣

在州東北二百四十里以上
三縣並乾隆三十八年置

哈密廳在省治西北三千二百七十里在安西府
城西北八百七十里東西距九百四十里南北距
六百餘里東至塔里雅沁通喀爾喀界四百十里
西至額什墨克通吐魯番界五百三十里南臨沙
磧東南至博羅特口及星星硤半池泉接安西府
敦煌淵泉二縣界六百六十餘里北至天山接巴
里坤界一百餘里至

京師七千一百八十里明永樂時韓克特穆爾內附
封為忠順王兼置哈密衛即以其頭目領之成化
以後屬於吐魯番

本朝康熙三十五年内附授以封爵舊有城一五十
六年增建哈密新城為官兵駐防之所乾隆二十
五年設通判治此為哈密廳直隸於安西道其所
屬有五堡曰素穆哈拉垓為頭堡在哈密城西十
里曰阿斯塔納為二堡在城西八十里曰托郭齊

為三堡在城西一百二十里曰拉卜楚喀為四堡
在城西一百四十里曰喀喇都伯為五堡在城西
一百六十里

臣等謹按哈密部自元末族子納古爾受封為威
武王尋改為肅王其弟翰克特穆爾嗣於明永樂
二年內附改封為忠順王四年設哈密衛以其頭
目瑪哈穆特和卓等為指揮等官忠順王卒其兄
子托克托嗣八年又封托克托弟都哩特穆爾為

忠義王同守哈密由是二王並貢其地東去肅州
西去吐魯番各千五百里北數百里抵衛拉特以
天山為界為西域要道迎護朝使統領諸番後又
止封忠順一王其地為回回輝和爾哈喇輝三種
雜居頭目不相統屬其王不能制至成化後吐魯
番強盛數奪其國旋復旋失卒為吐魯番所據嘉
靖後居此者為密克滿克木非忠順王之裔亦後
屬於吐魯番

本朝康熙三十五年哈密回人頭目達爾漢伯克阿
布都拉遣使奉表入貢三十六年阿布都拉遣子
敦帕伯克擒獲噶爾丹之子及其官屬來獻

聖祖仁皇帝嘉之賜賚有加授阿布都拉為扎薩克一等
部長賜印纛以其所屬編旗視各蒙古傳至其子
敦帕孫阿敏嗣雍正五年封阿敏為護國公七年
晉封為固山貝子乾隆五年其子玉素富嗣封護
國公十年封固山貝子二十三年封貝勒二十四

年加郡王品級令管轄回衆

欽定四庫全書

皇朝文獻通考
卷二百八十三

三

皇朝文獻通考卷二百八十三